

四庫全書

子部

欽定四庫全書

冊府元龜卷二十三

宋 王欽若等 撰

帝王部

符瑞第二

後魏道武登國六年十二月帝獵親獲鹿一角召問羣臣皆曰鹿當二角今一角是諸國將并之應也

皇始元年十一月黃星又見

先是有大黃星出於昴畢之間

天興二年七月并州獻白兔是月并州獻白雉是月獲

嘉禾於平城縣異莖同穎八月廣甯送嘉禾一莖十一穗平城南十里郊嘉禾一莖九穗告于宗廟

三年四月有木連理生于代郡天門關之路左五月東巡狩廣甯有白兔見于乘輿前獲之八月渤海菑縣東光縣木連理各一十二月豫州上言木連理生於河內之沁縣

四年正月并州獻白兔是月上黨郡獻白雉

明元泰常三年正月渤海上言東光縣木連理是月渤海郡

高城縣獻白雉三月渤海郡南皮縣獻白雉二六月頓丘郡  
獲白兔八月嘉禾生於渤海郡東光縣是月廣寧郡上  
言木連理十一月中山行唐縣獻白雉

四年正月新興郡獻白雉十二月又獻白雉二

五年白雉見於河內郡

七年九月溫泉出于涿鹿人有風寒之疾飲者多愈

八年五月鴈門獻白雀

太武始光三年五月雒州獻黑兔

四年六月甘露降于太學

神麇元年二月定州獲白麇鹿白麇鹿又見于樂陵因以改元是月相州獻白雉是月甘露降于范陽郡九月章武郡獻白兔是月滄水郡獻白雀十月魏郡獻白兔二年二月上黨郡獻白雉四月甘露降于鄴六月甘露降於平城宮七月嘉禾生於魏郡安陽縣二本同穎三年二月白鹿見於代郡倒刺山三月甘露降于鄴七月冀州獻白龜

四年二月渤海郡獻白兔九月滎陽郡上言木連理五  
月甘露降於河西

延和二年三月樓煩南山木連理

三年三月樂安王範獲玉璽一文曰皇帝璽以獻九月  
上谷郡上言木連理

太延元年二月魏郡上言木連理

四年十二月相州獻白鹿

五年二月遼西上言木連理

太平真君元年四月甘露降于平原郡

二年七月天有黃光洞炤議者僉謂榮光也

七年二月青州獻白兔四月戊子毀鄴城五層佛圖於  
泥像中得玉璽二其文皆曰受命於天既壽永昌其一  
刻其旁曰魏所受漢傳國璽

八年五月鴈門郡獻白雀是月雒州送白鹿

丈成興安二年六月營州送大龜

興光元年二月有雲五色所謂景雲太平之應也

太安二年七月甘露降於常山郡十月白鹿見于京師

西苑

三年三月有白狼一見於太平郡

議者曰古今瑞應多矣然白狼見於成湯之世

故殷道用興太平嘉名也又先帝本封之國而白狼見焉無窮之徵也

和平二年七月甘露降于京師

三年四月河內人張超於壞樓所城北故佛圖處獲玉印以獻印方二寸其文曰富樂日昌永保無疆福祿日臻長壽萬年玉色光潤模制精巧百僚咸曰神明所授



非人爲也詔天下大酺三日十月雲中獲白兔

四年閏月鄴縣獲白兔三月冀州獻白雉

孝文延興元年十一月秘書令楊崇奏鍾律郎李生於  
京師見長生連理樹是月泗州秀容民獲麟以獻十二  
月徐州竹邑戍士邢德於彭城南一百二十里得蒼一  
株四十九枝下掘得大龜獻之詔曰龜著與經文相合所  
謂靈物也德可賜爵五等

二年正月青州獻白雉二月白雉見於扶風郡四月幽

州獻白鵲

三年五月白雀見於代郡六月京師獲大龜

四年正月青州獻白雀九月白雀見中山

五年正月白雉見於上谷郡四月白兔見於代郡

承明元年六月秦州獻白鹿八月白鹿見於雲中是月

齊州獻嘉禾是月上谷郡民獻玉印上有蛟龍文是月

定冀二州俱獻白鵲九月京兆民獻青玉璧一雙文色

炳煥是月并州上言木連理相去一丈二尺中有五枝

相連十一月定州獻白鵲是月冀州獻白鳩

太和元年正月白鹿見於秦州青州二月秦州獻白雉  
三月白雉見于秦州是月白鹿見於秦州是月武川鎮  
獻玉印青質素文其文曰太昌是月冀州上言木連理六  
月雍州周城縣獻白兔是月雍州獻玉印又長安鎮獻  
玉印一上有龜紐下有文字色甚鮮白有殊常玉十一  
月白雉見於安定郡

二年三月白鷺見於并州七月白鳥見於涼州九月有

鼎出於雒州洿雒水送於京師是月白鳥見於京師十  
一月徐州獻白雉是月雒州獻白鵲是月徐州獻黑狐  
是月秦州獻五色狗十二月懷州獻白麋

三年正月統萬鎮獻白雉三月齊州獻五色狗其色如  
畫是月吐京鎮獻黃兔是月泗州獻一角鹿是月白鳥  
見於豫州五月獲白狐五月白麋見於豫州是月白雀  
見於豫州六月撫冥鎮獲白狐以獻七月定州鉅鹿民  
獻玉印二方七分上有文字九月齊州獻嘉禾是月白

烏見於秦州十月徐州獻嘉瓠一蒂兩實

四年正月南豫州獻白雉是月南豫州獻白鹿

五年六月上邳鎮將上言於鎮城西二百五十里射獵於營南千水中遂得玉車釧三枚二青一赤制狀甚精八月常山獻嘉禾

六年三月豫州獻白雉

七年六月青州獻三足烏是月定州獻嘉禾

八年正月上谷郡惠化寺醴泉涌四月白鷺集于京師

是月代郡獻白鷺六月徐州獻白兔是月徐州獲黑狐  
以獻是月齊州清河郡獻白雉

十年三月冀州獲九尾狐以獻

十一年十一月冀州獲九尾狐以獻

十三年正月司州河州各獻白狐狸是月清河武城縣  
獻白雀十一月滎陽獻三足烏

十四年六月懷州獻三足烏

十七年正月幽州獻白雉四月瀛州獻白雉五月冀州

獻三足烏六月京師木連理是月兗州獻白烏

十八年十月河南上言鞏縣木連理是月瀛州獻白兔  
十九年六月司州平陽郡獲白烏以獻七月司州獲白  
鹿麇以獻

二十年二月兗州獻白雉六月司州獻白鹿是月豫州  
獻三足烏

二十一年七月汲郡獻黑兔是月京師獲白兔

二十三年正月華州獻白麇二月涼州獻赤烏六月冀

州獻三足鳥七月瀛州獻白鳩八月滎陽郡獻白鳩  
荊州獻白鷺閏月正平郡獻白鷺十月并州上言百  
節連理生懸甕山濟州上言木連理十二月瀛州上言  
木連理是月司州獻白鳥是月獲黑兔

宣武景明元年四月荊州獻白鹿五月徐州獻三足鳥  
七月齊州獻嘉禾十一月河州獻白兔

二年正月瀛州上言平野縣木連理六月有雲五色見  
於申酉之間十二月南青州獻蒼鳥



三年正月潁州郡上言木連理是月徐州獻白雉三月  
冀州獻白雉是月豫州獻三足烏是月平陽郡上言襄  
陵縣木連理是月河州獻白狐三月濟州獻赤雀四月  
荊州上言南陽縣木連理是月潁州郡獻白兔六月滎  
陽郡獻白雀是月涇州獻白鸞是月徐州上言東海木  
連理七月濟州獻嘉禾是月魯陽獻烏芝是月涇州獻  
白鳩八月甘露降於青州新城縣是月河內郡獻白兔  
十月秦州上言南稻新興二縣木連理各一是月薄骨

律鎮獻白雀

四年二月趙平郡上言鶉觚縣木連理三月濟郡上言  
臨淄縣木連理是月燉煌獻白雀四月汾州上言五城  
郡木連理五月京師獲白雀是月青州上言莒縣木連  
理是月獲赤雀於京師六月幽州獻四足烏是月嘗農  
盧氏縣木連理是月徐州上言梁郡下邑縣木連理是  
月恒農郡獻白雀是月河內郡獻白兔七月京師獻白  
雀是月夏州獻黑兔八月嘉州獻嘉禾九月秦州上言

當亭四縣界木連理各一

正始元年二月冀州獻三足烏三月河內郡獻黑兔四月魯陽郡獻白兔五月司州上言滎陽京縣木連理是月幽州獻三足烏是月相州獻三足烏六月京師西苑木連理是月定州獻三足烏七月河東郡上言聞喜縣木連理八月濟州獻嘉禾是月河南郡上言慈水濱木連理十月恒農郡崱縣木連理是月京師獲白鳩又建興郡獻白鳩十二月涼州上言石城縣木連理

二年正月汾州上言平昌縣木連理二月司州上言崕  
縣木連理四月并州獻白鳩五月司州獻白鳥是月泗  
州獻三足鳥是月雍州獻蒼鳥六月濟州獻嘉禾是月  
雍州獻蒼鳥七月冀州獻白鳩二是月魯陽郡獻嘉禾  
是月薄骨律鎮獻白雀八月司州獻嘉禾是月東郡獻  
白兔九月後軍將軍爾朱新興獻一角獸是月司州上  
言潁川陽翟縣木連理是月河內郡獻黑兔是月泗州  
獻白兔東郡獻白兔

三年三月濟州獻白雉是月豫州獻三足烏豫州又獻  
三足烏四月獲白雀於京師六月汾州上言永安縣木  
連理是月京師木連理七月潁川陽翟縣上言木連理  
是月建德郡上言石城縣木連理是月薄骨律鎮獻白  
兔是月冀州獻嘉禾是月夏州獻白鳩九月泗州獻白  
兔是月潁州獻白鳥十月河州獻白雀是月青州獻白  
雉十二月雍州獻白雀

四年二月豫州獻白雀四月河內郡獻白兔七月潁州

獻白鳥十一月秦州獻白雉

永平元年四月瀛州民獲玉印以獻四月京師獲赤  
雀是月豫州獻三足鳥是月潁川獻白鳥是月濟州獻  
白兔是月有司上言潁川郡木連理五月河內獻黑兔  
六月雒州獻白鳩十月甘露降於青州益都縣是月樂  
安郡獲白兔

二年二月相州獻白兔四月河內郡獻白雉是月河內  
郡獻蒼鳥是月司州上言恒農北陝縣木連理六月河

南獻白雉十二月豫州獻白雉

三年七月京師獲白雀八月滎陽獻嘉禾十月白狐見於汲郡十一月夏州上言橫風山木連理

四年八月平州獻白鹿

延昌二年正月徐州上言建陵城木連理五月濟州獻白鹿八月平陽郡獻白烏

三年正月司州上言軹縣木連理六月冀州獻白烏七月豫州獻白兔是月河內郡獻白雀十一月秦州獻白

雀

孝明以延昌四年正月卽位二月冀州獻白雉二月豫  
州獻三足鳥是月京師獲白雉三月冀州上言信都縣  
木連理是月河南獻白兔四月兗州獻白狐五月滎陽  
獻白雀六月司州獻白鹿是月京師木連理八月河南  
獻白兔是月秦州獻白雀是月青州獻白雀是月恒州  
獻白雀九月雍州上言鄠縣木連理是月河南獻白兔  
是月雒陽獲白雀是月相州獻白狐十一月荊州獻白



雀十二月幽州獻白雉閏月汾州獻白狐二是月岐州  
獻白雉

熙平元年正月光州上言曲城縣木連理是月定州獻  
白雀二月赤烏見泗州秀容郡是月相州獻白雉三月  
泗州獻白雉四月汲郡獻三足烏是月京師再獲白雀  
五月濟州獻白鹿六月冀州獻蒼烏七月宮中獲白雀  
是月京師獲白鷺十一月泗州獻一角獸

二年正月金出岐州橫水縣赤粟谷三月徐州獻白麋

是月徐州獻白雉四月東郡獻三足烏是月豫州獻三足烏兗州又獻三足烏是月豫州獻白兔是月華州獻白雀五月司州獻白鹿是月東郡獻白兔六月相州獻白雀是月薄骨律鎮獻白雀是月京師獲白兔七月京師獲白雀八月薄骨律鎮獻白雀又京師獲白雀是月幽州獻嘉禾三本同穗九月汲郡獻白鳩十一月京師獲白雀是月鄆善鎮獻白兔是月京師木連理八月正平郡獻白兔九月正平郡又獻白兔是月徐州獻一角

獸十月京師獲黑兔

三年二月涼州上言榆中縣木連理三月青州上言平昌郡木連理七月京師獲白雀

四年二月揚州上言汝陰縣木連理八月涼州上言顯美縣木連理

正光元年正月徐州獻白兔四月濟州獻三足烏是月濟州又獻三足烏五月冀州獻白兔是月并州上言上黨東山谷中木連理六月京師獲白雀十月幽州獻白

烏十一月齊州上言濟南郡靈壽山水連理

二年三月南青州獻白狐二閏月東郡獻三足烏六月  
光州獻白雀是月齊州上言魏郡逢陵縣木連理七月  
朔州獻嘉禾

三年二月夏州獻白雉是月涼州上言榆中縣木連理  
三月青州上言平昌郡木連理

四月京師獲白雀五月徐州獻白兔二又冀州獻白兔  
一是月東郡獻三足烏潁州郡許昌縣獻三足烏泗州

獻三足烏六月冀州獻三足烏是月滎陽郡獻白雀是  
月平陽郡獻白狐是月并州靜林寺僧在陽邑城西橡  
谷掘藥得玉璧五珪十玉印一玉柱一玉蓋一並以獻  
八月光州獻九尾狐是月泗州獻嘉禾一根生六穗是  
月濟州獻白雀是月光州獻白雀是月徐州上言龍亢  
戍東木連理九月白雀見舍人省十月甘露降華林園  
栢樹

四年正月京師獲白鵲二月揚州上言汝陰縣木連理

三月光州獻白雉五月平郡獻白狐六月瀛州獻三足  
烏是月京師獲白雀七月京師獲白雀八月涼州上言  
顯美縣木連理是月甘露降顯美縣

孝昌元年十月魏郡元城縣木連理

三年四月河南獲赤雀以獻

前廢帝普泰元年五月河內獻蒼烏

出帝太昌元年四月京師獲白雀六月初出有大黃  
氣成抱

後周閔帝元年正月辛丑卽天王位是日槐里獻赤雀  
二月秦州涇州各獻木連理五月槐里獻白鷺

明帝元年三月長安獻白雀六月長安獻白鳥七月順  
陽獻三足烏羣臣上表稱慶詔曰夫天不愛道地稱表  
瑞莫不威鳳巢閣圖龍躍沼豈直日月珠連風雨玉燭  
是以鈞命決曰王者至孝則出元命苞曰人君至治所  
有虞舜蒸蒸降茲異祉周文翼翼翔此靈禽文考至德  
下覃遺仁爰被遠符千載降斯三足將使三方歸本九

州翕定惟此大禮景福在民予安敢攘宗廟之善弗宣  
大惠可大赦天下文武官並進二級

二年十月長安獻白兔

武成元年四月戊午武當郡獻赤烏秦州獻白馬朱鬣  
武帝保定元年二月弘農上言九尾狐見五月晉公護  
獲玉斗以獻

二年四月南陽獻三足烏湖州上言見二白鹿從三角  
獸而行十二月益州獻赤烏



三年二月渭州獻三足烏三月益州獻三足烏九月蒲  
州獻嘉禾異畝同穎

五年郢州獲綠毛龜九月益州獻三足烏十一月岐州  
上言一角獸見

天和元年四月益州獻三足烏

二年三月己卯皇太子於岐州獲二白鹿以獻六月襄  
州上言慶雲見七月辛丑梁州上言鳳凰集於楓樹羣  
鳥列侍以萬數

五年七月益州獻白兔

建德元年九月扶風掘地得玉杯以獻

三年五月荊州獻白鳥十月雍州獻蒼烏十二月利州  
上言騶虞見

六年六月應州獻芝草八月甲子定州獻九尾狐皮肉  
消盡骨體猶具九月甲申絳州獻白雀

隋高祖開皇元年二月甲子卽位是月京師慶雲見三  
月高平獲赤雀太原獲蒼烏長安獲白雀各一宣仁門

槐樹連理衆枝內附又蓋屋縣連理樹植之宮庭

三年二月涇陽獲毛龜京師醴泉出

四年正月渝州獲獸似麋一角同蹄

十五年七月晉王廣獻毛龜

煬帝大業四年五月蜀郡獲三足烏張掖獲玄狐各一

冊府元龜卷二十三

欽定四庫全書

冊府元龜卷二十四

宋 王欽若等 撰

帝王部

符瑞第三

唐高祖武德元年五月隴州獻嘉麥六月虞州獻嘉麥  
一莖六穗七月京師慶雲見八月永州獻嘉禾異畝同  
穎九月益州上言景雲見十一月藍田玉山南嶺有樹  
連理十二月麟州獻芝草一株紫莖黃蓋是年新豐鸚

鵝谷水清代傳云此水清天下平開皇之初暫清尋濁至是復清

二年正月寧州獻白雉壬子麟州獻白鹿二月涪州上言李樹連理閏二月沁州上言慶雲見又渝州言甘露降三月安昌縣言太行山聖人崖響云唐國興治萬年四月有獻李樹連理盤屈如龍六月澤州言騶虞見七月益州獻嘉禾一莖六穗九月合州言慶雲見又梓州言景雲見十月河州言慶雲見

三年二月鄆州言一角獸見鹿身五色牛尾馬蹄三月  
甘露降於華陰又甘露降於御史臺五月郟州獻瑞石  
有文曰天下萬年七月靈州言白龍見商州言白狼見  
鄆州言麟見

四年二月白狐見玄武門絳州言甘露降肅州獻嘉禾  
一莖五穎四月慶州言慶雲見六月方州言慶雲見益  
州獻芝草如人狀亳州上言老子廟枯樹生枝葉

五年正月代州言慶雲見豐州言騶虞見梁州言野蠶

成繭百姓得而用之

六年西沙州言甘露降彌漫一十五里益州言慶雲見  
管州言麟見

七年陝州獲白石璽一紐章與傳國璽同仁州言騶虞  
見長安古城監渠水生藍色紅白而味其狀如方印遼  
州獲玄兔萬年縣言甘露降九月丹州言河水清

八年四月赤雀巢於殿門宴五品以上上頌者十餘人  
極歡而罷連州言甘露降徧於城郭

九年正月西韓州獻芝草異莖同蓋二月蒲州言河水  
清四月甘露降於中華殿之桐樹凝注如冰霰以示羣  
臣六月於納義門獲白雀一己卯雅州涇陽縣生嘉禾  
異畝同穎是月益州獻白鹿陝州言白狼見七月幽州  
慶雲見海州言鳳凰見於城上羣鳥數百隨之東北飛  
向蒼梧山徐州言慶雲見

太宗以武德九年八月即位是月丙午宋州言慶雲見  
辛未秦州景雲見雋州言鳳凰見九月雒州赤雀見秦



州言慶雲見乙未定州言景雲見莒州言鳳凰二見羣  
鳥隨之其聲若八音之奏辛酉利州言慶雲見壬戌林  
州獻頑石隱起成文曰聖主某大吉子孫五千歲素質  
立字篆隸相參西麟州言麟見十月沂州言騶虞見十  
二月鄭州言立狐見

貞觀元年閏三月甘露降於長安縣五月豫州言白狼  
見十月和州言鸞見

二年三月宜州言白狼見六月長安縣獻嘉禾戊戌郭

州言白狼見九月甘州獻白馬朱鬣十月安州言騶虞見

三年四月甘露降於雍州五月癸亥龍見玉女泉乙丑  
幽州言麟見七月宣州言甘露降壬子申州言木連理  
十二月潞州獻嘉禾

四年三月赤雀見於萬年縣

五年二月雋州慶雲見四月甘露降於萬年縣

六年四月楚州言騶虞見癸卯醴泉出丹霄殿之西命

公卿以上示之因置酒於側賜帛各有差

七年二月醴泉湧出於絳州之香溪痼疾者飲之多愈  
八年四月沂州言白鹿見

九年閏四月衡州言騶虞見五月萬年縣獲白雀戊申  
和州言棠樹連理十月黎州言鳳凰見十一月瀛州獻  
白狼十二月京師蒼烏見揚州獻白雀是月獲麟於德  
州

十年二月白鹿見於九成宮之冷泉谷三月襄州言騶

虞見八月雒州言鳳凰見

十一年五月麟見京師之後苑九月醴泉出痼疾者服之皆愈

十二年六月滁州言野蠶食榭菜成繭大如柰凡六千五百七十碩九月楚州野蠶成繭徧於山谷濠州廬州獻野繭十月隰州言青龍見營州獻玄狐

十三年正月濟州獻白鹿三月吉辰廐產白馬朱駿八月幽州獻嘉禾一莖九穗

十四年二月陝州言河水變清司空無忌等詣闕上表  
曰臣聞崑崙載極道玄液以周天積石流源委蒼波而  
括地俯作神州之紀仰膺上帝之官水德靈長斯其謂  
矣故能道符千載位長百川瑞馬開圖發榮光於遠代  
應龍闢壤致宅土於遐年自此以還寂寥難俟天之祚  
聖復在於茲伏惟皇帝陛下則哲承基窮神闡化功繇  
寓外德耀瀛表文教蔚乎三五至道格乎地天是以頑  
凝數澤慶溢風煙丹井輝奇青丘表異嘉苗合穎入豐

膳以鳴鐘天駟攝雲播頌聲於綴兆西鷄南雉之貴日  
至月書連珠湧醴之徵雲飛霧集宜其展事羸里仰告  
成功出豫介丘方騰茂實猶且宵衣旰食若有追而不  
逮對越嘉祉乃固辭而弗居遂使萬土韜華三神鞅望  
西皇佇詔中以德水之祥東岳希封勗以清河之貺伏  
見陝州刺史房仁裕狀稱所管界內二百餘里正月元  
日黃河載清謹案易乾鑿度曰聖人受命河水清京房  
飛候曰河水清天下太平繇是納渭含涇混流同潔凌

門泐澤別派俱清馬頰馳波詳觀若鏡龍門激箭回眺  
飛空拍天之典煥然馮夷之都可見千尋朗徹俯映玄  
珠一曲澄鮮遙觀紫貝盡河宗之真秘洞水府之仙靈  
豈非天鑑詳明不愛其道神心昭著有感斯通何幽顯  
合符人祇交際理均形見若斯之效歟臣等沐道醉心  
觀洋駭目披圖逖聽曠古無聞實慶生涯親承旦暮詔  
答曰嘉瑞爰降必資至德大河効祉寔為希世顧惟寡  
昧但增慙惕乃天地表祥宗社垂祐欲使四海隆平八

荒禊福王公卿士內外庶僚宜勉修正道以副靈貺焉  
三月秦州言河清七月白龍見於富平九月杭州言青  
龍見

十五年二月開州言白龍見三月肅州言所部川原遍  
生芝草四月慶州言騶虞見冀州獻白狼五月癸未廬  
山府獻白鹿乙酉安禮門御榻產芝草五莖六月滁州  
言青龍見庚子高州言慶雲見七月洪州獻玄珪滄州  
言青龍見丁亥靈州言景雲見八月嘉州撫州各言慶



雲見衡州言白鹿見九月滄州言龍見十一月幽州言  
五色雲見

十六年正月宣州言慶雲見七月朔鄜州言白龍見溫  
州各言景雲見八月中州獻白雉九月金州言青龍見  
十月滑州獻白狼十一月箕州言景雲見湖州言慶雲  
見十二月宋州言青龍見

十七年三月杭州言木連理二十四株有植藜二木合  
為一體有雄雉飛集東宮顯德殿前太宗問羣臣曰頃

來頗有雉集是何祥也諫議大夫褚遂良曰昔秦文時  
有童子化為雉雌者鳴於陳倉雄者鳴於南陽童子言  
曰得雄者王得雌者霸文公遂以為寶鷄祠漢光武得  
雄遂起南陽而有四海陛下舊封秦王故雄雉見於秦  
地既古來將為祥貺所以彰表明德太宗曰立身之道  
不可無學遂良所對深為可重五月雍州獻三足烏已  
未湖州言甘露降潤州言慶雲見華平出於玄武門之  
池懷州獻白狼湖州言慶雲見閏六月柳州言慶雲見

丹州獻白鹿七月鄜州言景雲見辛卯常州言青龍見  
八月涼州言昌松縣鴻池谷有石青質白章為文曰高  
皇海出多于李九王八十太平天子李世民王千年太  
子李治書燕山人士樂大國主尚汪諤契文仁道千古  
天王五王六王七王十王鳳毛才子七佛八菩薩及上  
果佛佛田天子文武貞觀昌大聖延四方上下萬里忠  
者仙戈八為善

九月魏州言慶雲見皇太子寢室產紫芝二十四莖竝

為龍興鳳翥之形十一月并永滁州景雲見鄭州河水  
清懷州河水清永州言慶雲見廓州獻白狐

十八年正月嘉州言青龍見台州言甘露降雋州言慶  
雲見四月豫州言白龍見五月鄆州獻白狼六月辛亥  
鄭王府獻白狐瀛州言慶雲見七月會州言青龍見朗  
州言青龍見壬午滁州言景雲見八月商宗蘭鄧維五  
州言景雲見曹維二州言景雲見趙州獻白鹿九月汝  
州言青龍見十月潞州言慶雲見山南獻木連理交錯

玲瓏有同羅目一丈之餘并枝者二十餘所十一月湖州言慶雲見

十九年二月岳州獻毛龜二滁州言騶虞見十月老人星見十一月費州言慶雲見渠州言青龍見

二十年正月汝州言甘露降二月潮州言慶雲見戊午許州獲白狼二月德州言景雲見鄆州言一角獸見丙戌冀州景雲見四月房州言赤雀見五月襄州言慶雲見丙申澤州言甘露降七月安州言白龍及慶雲見穀

州言景雲見八月老人星見九月澤州言白鹿見十月  
亳州言甘露降十一月雍州言甘樹一株有十八處連  
理李樹生芝莖赤紫莖光色鮮麗陝州言青石理成文  
曰李君王三字汾州言青龍白龍見白龍吐物初在空  
中有光如火至地陷入二尺掘之則玄金之形圜斜廣  
高六七寸疊州言五色雲見兗州言青龍見

二十一年四月兗州鸞見易州言慶雲見六月始州言  
景雲見淄州言鳳凰見壬申亳宋二州各言慶雲見白

龍見於鄆州懷荆二州言景雲見辛酉趙州言慶雲見  
七月懷襄同鳳瀘宋亳蓬綏等州言慶雲見鄆州言白  
龍見八月綏州言慶雲見九月崖州言白龍見岷州言  
慶雲見老人星見開州言景雲見十月南代州騶虞見  
戊戌綏州言景雲見

二十二年正月玉華宮李樹連理隔濶合枝二月懷州  
河水清原州言景雲見六月洮州言白龍見循州言景  
雲見七月襄州言慶雲屢見定襄都督府言慶雲見八

月昭州洪州言慶雲見九月晉州言慶雲見巴州沂州  
皆言慶雲見遂州涪水中獲古鼎受五石三斗旁有銘  
刻取初風雨晦冥響若洪鐘十二月絳綿代潞四州並  
言慶雲見閏十二月朗州言慶雲見

二十二年三月代州言慶雲見四月壬申靈州言河水清  
高宗永徽五年六月濟州言黃河清一十六里皎然澄  
徹是歲大稔雒州米斛至兩錢半粳米斗至十一文

顯慶元年二月岐州獻一角獸五月岐州五龍見於皇



后泉

龍朔元年二月益縣等五州皆言龍見

於是改元

六月兗州

青龍三十九見

三年十二月詔以絳州麟見於介山含元殿前琅臺閣  
內竝親麟趾改來年正月為麟德元年在京及雍州諸  
縣見繫囚徒各降一等杖罪以下竝免之

上元三年十一月陳州上言鳳凰見宛丘縣

睿宗唐隆元年六月甲辰即位大赦天下是日慶雲見

於東方丙午揚州上言慶雲白雉見七月己巳冊立宗  
為皇太子是日有景雲之慶改元為景雲元年

景雲二年六月雒州上言兩岐麥八月以高祖舊宅有  
柿樹天授中已經枯死至是重生因而大赦天下十月  
寧州嘉禾異畝同穎江州上言神泉湧十二月光州上  
言李樹連理

三年正月有事於南郊是日佳氣四塞

太極元年五月戊寅睿宗有事於北郊是日東南有紫

氣扶日上

延和元年六月涼州上言赤雀見

玄宗先天二年八月江州獻靈龜六眸腹下有立文象  
卦文懷州上言有嘉禾四穗十月有事於太廟是日慶  
雲見

開元元年十二月有麟見於峽州遠安縣之鬼谷仙洞  
二年正月丙寅涼州獻朱駿尾白馬庚午原州獻肉角  
羊八月太子賓客薛謙光獻東都九鼎銘其豫州鼎銘

武后所製文曰羲農首出軒昊膺期唐虞繼踵湯禹乘  
時天下光宅域內雍熙上玄降祉方建隆基宰相姚崇  
盧懷慎等奏曰聖人啟運休兆必彰故化馬為龍預流  
謠頌秀為天子早著冥符臣等今見薛謙光所獻東都  
鼎銘大聖天后所製其文云上玄降祉方建隆基豫州  
處天地之中所以遠包四海銘文獨聖后所製固必先  
感二儀靈慶昭彰曠絕今古臣等忝陪近侍喜邁常情  
請宣付史官并頒示內外許之

七年閏七月虢州奏閩鄉縣桃林鄉醴泉湧出揚州奏揚子縣一角獸見八月老人星見其色黃明而大

八年正月甘露降五月德州奏平原縣麥一莖兩歧分秀八月老人星見十二月隰州慶雲見壁州甘露降齊州嘉禾生鄂州芝草生徐州獲白野鷄岐州獲白鷺進之

九年二月汝州奏魯山縣之堯山有白鵲見於許昌縣之唐祠掘地得古銅鑄上又隱起雙鯉篆書文曰宜子

孫竝請宣付史官從之五月絳州奏正平太守兩縣瑞  
麥七莖兩穗一莖四穗十月洪州慶雲見十一月蘄州  
奏蘭溪縣芝草生

十一年正月行幸北都紀功於太原府之南街有連理  
李樹連理甘棠生於太原縣二月祠后土於汾陰之睢  
上太史奏榮光出河休氣四塞徘徊遶壇日揚其光有  
司奏脩壇掘地獲古銅鼎二其大者容一斗色皆青又  
獲古甑長九寸上有篆書千秋萬歲及長樂未央字又

有赤兔見於壇側十一月癸酉日長至太史奏曰平明  
陰雲祁寒及其日出有雲迎日又有祥風至涇臾日出  
有黃白冠及日南有珥臣謹按黃帝占云冬至之日陰  
雲祁寒來歲大稔人安五穀豐熟又曰風不及地和緩  
而來謂之祥風王者德至於天則祥風起日冠且珥人  
主有嘉並太平之嘉應臣請宣付所司許之

十二年五月溱州慶雲見太原獻異馬駒其耳如筒左  
右各一十六肋肉尾無毛六月丙申光州五色雲見乙

已河南府之告成縣王利文家瑞麥生穗分歧一莖三  
秀利文上表曰陛下往在藩邸扈從三陽在臣宅上休  
憇臣宅北坂之下陛下以為毬場自夏徂秋往來遊賞  
其地因感聖氣今有瑞麥生苗或六穗分榮或一莖數  
秀方圓縱橫不離場邊自非至德潛通豈有瑞應若此  
詔賜利文絹三十疋遣之十月合州慶雲見閏十一月  
豫州言白麋見

十三年五月甲申瑞麥生於河南府之壽安縣勸農使



宇文融上表稱賀甲午潞州白鹿見戊戌以親製西嶽  
碑示百寮有五色雲見於前己亥代州甘露降九月充  
州奏白雀見十月丁卯太史奏白雀見壬申萬年人王  
慶築垣掘地獲寶鼎五獻之四鼎皆有銘銘曰垂作尊  
鼎萬福無疆子孫永寶丁丑白鵲見於行宮十一月丙  
戌封禪至泰山之下戊子有雄野鷄飛入齋宮馴而不  
去久之飛入仗衛忽不見卯王守禮等賀曰臣謹按舊  
典雌來者霸雄來者王又聖誕酉年鷄主於酉斯蓋王

道遐祚天命休禎請宣付史官以彰靈貺從之己丑日  
南至上備法駕登山至齋室其夕陰霧慘烈勁風四起  
裂幕折柱寒氣切骨上露立祈請仰天自誓曰某身有  
過請即降罰萬人無福亦請某為當罪應時風雨止天  
地清晏日氣和煦及升壇休氣四塞登歌奏樂有祥風  
自南而至絲竹之聲飄若天外及禪社首五色雲見日

重輪及還山下之齋宮有慶雲隨馬祥風遶路

時中書令張說

等蹈舞拜賀帝曰朕以薄德恭膺大寶雲物休洽皆是  
輔弼之力君臣相保勉副天心長如今日不敢矜怠說

等又奏曰聖心誠懇昨夜齋居則息風及雨今朝封祀則天清日暖復有祥風助樂卿雲引燎靈迹盛事自古未聞陛下又思慎終如初長福萬姓天下幸甚

十四年八月梓州言慶雲見通州言芝草生

九月晉州神山縣玄元皇帝廟根子樹兩枝連理合成一枝十月己巳帝至自汝州之溫湯時有五色鸚鵡能言育於宮中帝令左右試牽御衣烏輒瞋目叱咤岐王文學能延景因獻鸚鵡篇以贊其事帝以烏及延景詩示百寮尚書左丞相張說上表賀曰伏見大恩以靈異

鸚鵡及能延景所述篇出示朝列臣按南海異物志有  
時樂鳥鳴皆曰天下太平有道則見臣驗其圖丹首紅  
臆朱冠綠翼與此鸚鵡無異而心聰性辨護主報恩故  
非常品凡禽實瑞經所謂樂鳥也延景雖識其事未正  
其名望編國史以彰聖瑞許之十二月丙午越州言李  
樹連理癸丑邢州申州各言慶雲見

十五年四月彭州言白兔見八月壬寅海州白麋見丁  
丑資州言慶雲見閏九月億歲殿生芝草一莖十月汝

州言嘉禾生簡州言慶雲見

十六年三月京兆府三原縣浪井出七月慶雲見於仙  
州葉縣十一月日南至帝御含元殿受朝賀太史奏黃  
雲扶日請付所司從之

十七年五月庚寅有靈芝草產於太廟第九室殿柱甲  
寅有赤雀見於冀州一雄一雌六月有浪井出梓州十  
月睦州獻竹實

十八年四月辛酉壽州獻白雀甲午嘉州奏楠木生連

理枝廣州獻紅鸚鵡五月辛丑徐州奏慶雲見甲辰陝  
州奏靈芝產六月甲申沁州奏月抱瑞彩揚光五色乙  
酉鄂州奏景雲見

十九年二月癸未皇太子鴻等奏曰昨正月二十七日  
伏見陛下於興慶宮親耕三百餘步旣而青光紫氣覆  
地四月己卯揚州奏魯生稻二百一十頃再熟稻一千  
八百頃其粒與常稻無異壬辰河南府登封縣唐村李  
嗣谷當陽山南面石文舊有帝字新生上字識者以為

聖明之應河南尹孟溫禮奏賀六月癸未有浪井出於  
邛州之龍興觀之平地泛溢五色相輝浮彩彪炳壬申  
芝草生於京城之勝業寺一本七莖心黃外紫八月辛  
巳上降誕之日有黃雲三道於西方九月乙未冀州任  
丘縣孝悌鄉嘉禾生庚申婺州永康縣嘉禾生一莖  
五穗神羊產於京兆之興平縣

二十年三月有一角獸肉角當頂白毛上捧識者以為

獬豸

二十一年二月衢州獲魚有銘獻之侍中裴光庭等奉  
賀六月庚子眉州獻寶鼎重七千斤無耳足有篆文數  
字時渝州刺史段懷本奏此鼎到陳州界之對溪驛雲  
霧暗合有白虹逼鼎臣恐淪失不勝驚懼請至合州取  
陸路至京許之癸丑蓬州奏枯樹上生李枝結實絳州  
奏龍興觀池同心蓮一莖八月癸亥沂州產紫芝三莖  
是夜五更二籌後南方丙位老人星見其色黃白太史  
奏曰臣謹按春秋文曜鉤云王者安靜則老人星臨其



國主壽昌萬人安常以秋分節候之南郊今應期而見  
請付所司從之

二十二年五月河州慶雲見八月幽州奏千秋節日有  
慶雲見於夷軍又軒轅皇帝廟中古井湧浪泛溢又安  
次縣百姓家產連理樹及大麥一本一十八莖穗秀兩  
歧十月尚書左丞相蕭嵩率百寮奏曰伏見所司奏  
今年祥瑞祥風起日抱戴嘉禾秀芝草生甘露降醴  
泉湧木連理衣同蒂竹再生李成實馴鳩玄鶴慈烏鵲

鵠寶鼎魚銘錢刀旣字等二十有一事臣聞惟德感神  
惟祥祚聖有欲之而莫致或不召而自彰蓋所謂天之  
輔人福之先見者也伏惟開元神武皇帝陛下狗齊敦  
敏欽明光宅三靈以泰百度惟貞故感應日聞珍符歲  
積蓋祥風者昭乎號令抱戴者表以納忠嘉禾主於同  
文芝草明於敬老甘露洒神靈之液醴泉發德澤之滋  
草木秀其地靈羽毛呈其天瑞其餘山川異氣罷用殊  
姿爭自効靈不可勝紀斯並玄天幽贊黃靈合德非大

聖不能降其祥非太平不能當其應請宣付史官傳於後代上手詔報曰虔奉宗社昭事天地幸蒙垂祐降此禎祥豈自厥中以彰其外歸之於朕是用多慚宣付史官依卿所請

二十三年二月丁未蘇州白鹿見己酉安州慶雲見五月丁卯藍州有浪井出及醴泉滂湧癸未晉州慶雲見六月丙戌文州慶雲見壬子京兆富平縣瑞大麥生一莖五穗華州下邽縣瑞大麥生一莖三穗京畿採訪使

御史中丞盧奐奏賀八月幽州長史張守珪奏榆關內  
有蚘蝗蟲食田稼蔓延入平州界俄頃有羣雀來食此  
蟲一日食盡平州稼穡無有傷者九月乙丑楚州慶雲  
見十月沂州芝草生一莖九寸十岐乙未京兆府奏蓋  
屋縣嘉禾生成申揚州奏獲毛龜其色青庚戌朔州奏  
甘露降嘉禾生十一月楚州陵州會州並言慶雲見沂  
州密州皆奏芝草生十二月龍池聖德頌石自鳴其音  
清遠有如鐘聲百官等上表稱賀

二十四年三月獲瑞獸首耳形類虎尾長於身有豹文能食虎七月辛巳沂州慶雲見瑞麥生壬午台州鄆州並言慶雲見乙酉荊州萬州並言慶雲見八月戊申常州有神龜見綠毛黃甲庚戌老人星見黃色明靜而大太史奏曰臣謹按春秋文耀鉤王者安靜則老人星見孫氏應瑞圖云王者承天則老人星見臨其國又黃帝占云老人一名壽星色黃明大則主壽昌天下多賢士伏惟陛下以千秋節日祀於星壇而祭期將臨美應先

至知歷數之方永嘉萬壽之昌期請付史官以光典策  
許之

二十五年四月丁卯幽州慶雲見五月丁丑白鵲見戊  
寅河清八月丁未千秋節宴羣臣於勤政樓下太史奏  
曰今日卯時有祥雲出東方及其樂作非煙燭於西北  
己午之時日有抱戴伏以陛下聖歷方永福履無疆洊  
臻嘉瑞之符載洽繞樞之日臣等不勝忭躍請宣付史  
館許之十月庚申宰臣李林甫牛仙客祭南北郊有瑞

氣縈壇祥風拂地太史奏今日陛下虔報豐稔昭祭神  
祇臣謹候天地清謐星辰明朗初祭則構俎適陳祥風  
拂地既奠之後瑞氣縈壇其風則暢和緩之候其氣乃  
蓄龍鳳之色臣謹按王者德至於天則祥風起又堯沈  
璧於河休氣四塞伏惟陛下一德馭物而天祥薦祉盡  
皇王之靈貺躋蒼生於仁壽請宣付所司編入史冊許之  
十一月青州奏日光五色十二月泗州奏日抱戴

二十七年七月己卯蒲州刺史韓朝宗奏新置靈貞觀

有慶雲見連理樹生壬午河西隴右節度使蕭昭討吐蕃大破之有慶雲見於陣前白兔舞於營中請編史冊許之

二十八年陝州青州皆言慶雲見四月庚辰有慈烏巢於紫宸殿之拱侍中牛仙客中書令李林甫上表賀曰臣等伏因侍奉之際天恩令臣升殿觀此烏巢陛下孝弟之至通於神明仁慈所育豈獨黎庶故得上玄協應靈鳥呈瑞翱翔不離於廷際栖集必歸於軒檻雖人俗



所有但止於園林今感聖而來乃巢於殿拱依人無懼  
戀主愈馴博考圖籍未之有也臣等幸忝樞近親親休  
祥望頒示中外以彰靈感手詔報曰所聞不如所見故  
引卿等觀之頒示寰中俯依來請辛巳又有慈烏巢於  
宣政殿之拱仙客林甫又上表賀曰陛下孝友因心慈  
仁被物故得上帝儲祉靈烏發祥高棟重楹共瞻爰止  
前軒內殿皆覩來巢視之彌馴逼之不懼休祐重沓而  
交應徵求古今而未聞臣等何人屢觀嘉瑞望與前狀

同宣中外克紀禎符手詔報曰兩殿巢禽其義一也但有慙德深謝仁慈頒示四方隨卿所請

二十九年正月亳州刺史鄭愿奏立元皇帝廟中之井涌氣成雲五色相暎三月甲申滑州刺史李邕獻馬一匹表云其馬肉鬃鱗臆嘶不類馬聲日三百里邕任淄青刺史日遇一老翁云聖主將得龍馬以應太平邕遂於青州馬會思家獲而獻之己丑亳州奏老君廟九月先涸自奉詔增脩觀宇九泉皆湧及樹已枯復榮四月

甲寅深州奏連理甘棠樹生於陸澤縣甲戌溫州奏日  
抱戴揚光五色五月戊午有白雀白鳥見於原州之平  
原戊寅有慶雲見於亳州真源縣之玄元皇帝廟兼有  
白鵲翔於廟門樓六月甘露降於司農寺八月命有司  
於興唐觀設齋自內迎玄元皇帝真容於觀宰臣已下  
百官悉行香有慶雲見

天寶元年正月戊申安西都護田仁畹於于闐東王河  
獲瑞玉龜一畫以獻癸丑太史上言今旦卯時日有紅

碧黃氣數見及紫赤雲氣潤澤鮮明在日上謹按瑞應  
圖名曰慶雲太平之應請編入史冊許之六月壬辰信  
都瑞麥生臨州郡人李嘉裔所居柱上芝草生形類尊  
容屢陳光彩太守張景佚拔柱獻之乙未隴右節度皇  
甫惟明奏龍支縣人庫狄孝義有馬生龍駒經九旬有  
九日身有鱗而不生毛臣就簡視時有慶雲五色遙覆  
馬上久而不散伏望宣付史官以光實錄從之睢陽郡  
嘉麥生一莖八十一穗八月乙酉老人星見

二年三月南郡奏所部紫極宮有慶雲見

三載三月癸酉興慶宮合鍊院芝草生一本六莖丙子

武威郡上言番禾縣之天寶山有醴泉湧出嶺石化為  
瑞麵遠近貧乏者取以給食五月京兆尹奏所部芝草  
生

四載八月戊子有斑鹿產白鹿於苑中獻之請宣付史  
館上曰宮苑之內屢薦嘉祥今又縞質霜毛變林虞之  
獸族殊姿馴性實雲駕之龍媒允謂休徵用為慰也所

請者依癸巳京兆之新豐嘉禾生或九穗六穗九月河南府登封縣嘉禾生一本十二穗

五載五月乙卯河東郡太守李知柔奏乘泉縣潘水修功德處有白魚引舟五色雲起望宣付史館從之丙戌都陽郡上言甘露降於所部紫極宮之松樹絳郡上言姑射山修功德處有慶雲捧日七月汝陰郡上言有嘉麥生一莖兩歧

七載三月有玉芝生於大同殿之柱礎一本兩莖神光

昭於殿上命文武百寮入觀之

八載六月大同殿又產芝一莖

九載二月甲戌獻陵昭陵乾陵定陵橋陵等五陵栢樹  
盡垂甘露壬寅華陰郡奏白鶴見於西嶽五福峯甘露  
降大羅峯之醮壇白鹿見於大羅東南峯駕鶴嶺衛叔  
卿之得仙處請付史館從之

七載七月有鹿產白麋於閑廐之試馬殿八月癸丑黔  
中郡紫極宮慶雲見甲寅上雒陽慶雲見丁巳丹陽郡

茅山鍊丹院生芝草一莖庚午蕪春郡之天長觀聖容  
玉石蓮花座上生紫芝一本七莖九月壬午夜太史奏  
壽星見於丙方大明色黃十月乙丑御朝元閣有慶雲  
見上賦詩羣臣畢和癸酉丹陽郡茅山慶雲見白鶴羣  
飛十一月長至太史奏北方有黑雲氣四方俱有薄黃  
雲佳氣濃厚又有黃氣扶日十二月餘杭郡慶雲見化  
樓閣勢兼有仙人形象乙卯彭城郡有慶雲見


十四載三月南道觀察使源涓奏江陵郡古紀城東有



紫氣成雲中有一人衣白衣乘雲氣向上其時安南招  
討使康令謙及同行軍將等同見臣謹畫圖奉獻伏望  
宣示中外編諸史冊從之四月劔南道獲白兔一獻之  
八月癸巳老人星見己亥中書省五色雲見庚子樂安  
郡上言嘉禾及獲白鵲白雀壬寅京兆府奏嘉禾生而  
獻之癸卯東平太守嗣吳王祗奏所部壽張順昌兩縣  
鹹穀槽生丙辰蜀郡奏慶雲九見十月盧江郡人王恭  
家有李樹連理結紫實癸酉辛華清宮有石產玉芝宰

相楊國忠請宣付示朝廷編諸史冊從之

十五載六月玄宗幸蜀七月壬戌至益昌郡濟州於吉  
伯渡有雙白魚夾御舟而躍識者謂之兩雙飛龍焉



冊府元龜卷二十四

欽定四庫全書

子部

冊府元龜卷二十五至二十八

詳校官中書臣瞿 照

員外郎臣牛稔文覆勘

總校官庶吉士臣何思鈞

校對官中書臣王 瓚

謄錄監生臣陳 煜

欽定四庫全書

冊府元龜卷二十五

宋 王欽若等 撰

帝王部

符瑞第四

唐肅宗以天寶十五載七月即位於靈武改元至德是年九月三日帝降誕之辰有慶雲屬天白鶴飛舞於上所居殿宇翺翔三十餘匝而去十一月辛未長安雲氣如衣冠備具太史奏天下和平之象

二年七月朔方節度郭子儀奏寧朔縣界荒地廣十五里有黑禾穀出遍地每日側近百姓掃盡經宿還生前後可得五六千石其禾圓實味甘美臣以為天啟興王瑞先百穀故漢稱雨粟周頌來麩豈瑞禾自出家給人足蓋陛下富教安人務豐敦本光復社稷康濟黎元之應也臣不勝大慶八月乙未太史奏其日老人星見光潤明澤十二月癸亥帝受國璽太清宮晨有紫雲見從殿東南角稍至殿前

乾元元年四月甲寅帝親行享廟禮并祭昊天上帝禮  
畢有景雲見於日之南自卯及辰久而方散有頃朔方  
告破賊已未懷州刺史王奇光奏河內縣王昇清種麥  
數畝皆一莖三穗丁卯太廟殿院北門內柱生芝草兩  
莖紫葢七月庚寅朔方節度使郭子儀奏東京上陽西  
金華門外仗舍下見白鼠穴穿之得天下信寶一枚皆  
篆書背上雕刻青龍白虎朱雀玄武相盤以為帝德廣  
運乾道降祥璿圖永昌坤維耀寶請宣示朝廷詔曰我

國家卜代悠久歷數無疆明神降休靈貺斯格昌符兆  
發寶印呈祥皇帝之徽號既彰天子之鴻名又信斯實  
累聖致感上玄垂裕豈朕薄德所敢當仁卿國之大臣  
獲斯嘉瑞光我盛禮何慶如之

三年五月嵐州上言合河關黃河水四十里間清如井  
水經四日而變十一月丙寅左金吾衛大將軍王晟奏  
明鳳門有慶雲白欄杆上起盤旋紛郁光彩明耀門官  
皆覩焉



上元二年七月甲辰延英殿御座生玉芝一莖三花御  
製玉靈芝詩三章八句八月戊辰夜老人星見其色黃  
明潤澤而大

元年建子月戊戌冬至有雲迎日日揚光司天監韓頴  
奏謹按春秋感精符南至有雲迎日年豐之象建巳月  
壬子楚州刺史崔旼表獻定國寶玉十三枚一曰玄黃  
符如笏長八寸上圓下方近圓有孔黃玉也二曰玉鷄  
毛文悉備白玉也三曰穀璧白玉也徑可五六寸其文

粟粒無雕鐫之迹四曰西王母白環二枚白玉也徑六  
七寸六曰如意寶珠形圓如鷄卵光如皎月七曰鞞鞞  
大如巨粟赤如櫻桃八曰琅玕珠二枚長一寸六分十  
曰玉玦形如玉環四分缺一十一曰玉印大如半手斜  
長理如鹿形陷入印中以印物則鹿形著焉十二曰皇  
后採桑鉤長五六寸細如筋屈其末似金又似銀十三  
曰雷公石斧長四寸濶二寸無孔細緻如青玉十三寶  
置於日中皆白氣連天仇表云楚州寺尼真如者恍惚

上昇見天帝授以十三寶白中國有災宜以第二寶鎮  
之中書門下表賀詔曰太寶禎符時膺昌運皇天不祕  
紫府降靈敷上帝之耿光悟神祇之有鑒荷斯戩穀弘  
濟艱難冀與兆人同登壽域股肱奉上宗廟福予豈惟  
朕躬致此嘉瑞卿咸有一德寅奉休徵將使發揮克諧  
輔弼所請宣示中外編入史冊者依乙丑詔元年宜改  
為寶應元年其楚州刺史并出寶縣官及進寶官量與  
進改隨進寶官典儀等各量與一子官宣示中外宜知

朕意

代宗寶應元年四月己巳即位其日有慶雲見初帝至  
飛龍廡座前有紫雲見雲中有三白鶴徊翔又有喜鵲  
鳴及將即位仗衛宿設夜分雲霧四合不辨咫尺既曉  
朝呼萬歲天地清朗非煙滿空黃氣抱日咸以為聖感  
甲戌潞州獲赤雀獻之五月商州上言慶雲見七月己  
卯京兆府萬年縣獲三足烏獻之九月戊辰陝州上言  
黃河清是夜老人星見黃明潤澤司天少監瞿曇謨奏

曰臣謹按春秋元命苞云老人星明則人主壽昌國多  
賢士常以秋分候於南郊所見合秋分之氣當天地之  
中伏望編諸史冊宣示朝廷從之甲午太州至陝州黃  
河清二百餘里澄澈見底戊戌太州嘉禾生異畝同穎  
獻之出示百寮

廣德二年五月己酉河南府上言河陽縣界黃河清踰  
月不變十一月鎮南副都護甯齡先言合浦縣海內珠  
池自天寶元年以來官吏無政珠逃不見二十年間關

於進奉今年二月十五日珠還舊浦臣按南越志云國步清合浦珠生此實國家寶瑞其地元勅封禁臣請採進許之

永泰元年七月甲寅有三白鹿一白兔見於禁苑觀軍容使魚朝恩受命巡苑內屯田因獲之以獻朝恩上言請付史館編諸簡策手詔答曰白鹿白兔王者嘉瑞和平之應朕以寡德詎敢當焉卿及將士等務切軍儲克勤農畝上玄眷祐爰獲禎符所請付史館者依是月庚

中京兆府上言鄂縣嘉禾生穗長一尺餘穗上粒生重  
疊如連珠八月戊子司天臺上言老人星見

二年六月丁未是夜月重輪八月己酉秋分老人星見  
於景上黃潤明大十一月乾陵赤兔見獲而獻之

大歷二年三月丁巳河中府獲玄狐獻之出示百寮八  
月庚子夜老人星見其色黃明而大十月己卯右羽林  
軍獲白雀獻之乙酉有醴泉出於京兆府之櫟陽飲者  
多愈痼疾己亥潞州長子縣嘉禾生兩莖同穗十一月

己巳長至司天奏曰日色清明祥風四起請付所司從之

三年正月晉州獲白雀獻之四月乾陵上仙觀三尊殿有兩雀銜柴及泥補葺殿之隙壞凡一十五處閏六月揚州上言和州歷陽縣有三鳥同巢七月汴州獲白雀獻之閩州新井縣連理瓜生九月宣州獲白鼠三獻之十月太原府上言五色雲見及嘉禾生

四年正月乙亥大雪平地盈尺百寮於宣政殿拜舞稱



慶前年冬少雪故也三月潤州上元縣產芝草一莖四葉高七寸六月慶雲見於西郊

五年四月癸巳廣州越州竝言慶雲見丁未台州言慶雲見五月己巳石州上言五色雲見

六年七月己丑華州言甘露降道州上言五色雲見八月戊辰楚州上言芝草產於淮陰縣是夜老人星見其色黃明而大丁丑白兔見於太極殿之內廊獲之出示百寮九月丁酉沂州上言慶雲見十一月潭州上言長

沙縣榮唐里樹下有瓜生同蒂連心永州上言湘源縣  
芝草生同根三莖合成一蓋十二月癸酉婺州上言嘉  
禾生一莖九穗一莖十二穗

七年五月甲申亳州獲白雀六月丁亥蔡州言慶雲見  
是歲大稔

八年四月壬申潞州上言玄宗十九瑞閣有白鶴來翔  
五月丁丑鳳翔府上言天興縣嘉禾生一莖二穗六月  
戊申梁州獲白雀二獻之庚辰廬州上言廬江縣紫芝

草生一根兩莖一丈五尺又合肥縣棠梨樹上烏鵲同  
巢七月丙戌東都留守蔣渙上言太廟殿柱生芝草二  
莖太原府上言清源縣人韓景輝養冬蠶成繭詔給復  
終身甲午蔡州獲白鵲一獻之婺州上言金華縣李樹  
連理乙未蓬萊池獲毛龜出示百寮戊戌內侍省獲白  
鼠一出示百寮壬寅神策軍上言金門外水渠中獲  
綠毛元龜獻之八月壬戌太原獲白烏一白鵲一獻之  
庚寅亳州獲白鹿一白野鷄一獻之滑州言靈昌縣連

理瓜生及瑞麥一莖三穗九月丁丑京兆府上言梨樹及  
林檎樹竝連理戊寅桂州上言芝草生是夜老人星見  
辛巳華州上言嘉禾生十月丁未襄州言芝草生庚戌  
揚州上言芝草生丁卯鳳翔府獲白鼠獻之太原府上  
言嘉禾生十一月鳳翔府上言天興縣禾生一莖三穗  
太原府上言壽陽縣嘉禾生兩莖同穗閏十一月丁未  
申州上言義陽縣芝草生乙丑衢州上言龍丘縣李樹  
上產芝草五莖成都府上言甘露降是月丙子澤州上

言嘉禾生是歲大有年

九年二月庚午鄭州上言李樹上生芝草一莖三月癸  
卯亳州上言芝草生京兆府獲白鵲一獻之四月庚戌  
汝州上言甘露降甲午隴州獲白鵲一獻之五月丁巳  
隴州獲白鵲獻之京兆府上言瑞麥生九莖同穎七月  
丁酉廬州獲白鼠二舒州獲白雀一並獻之九月戊申  
晉州上言神山縣慶唐觀栢葉松身樹已枯再生十月  
己巳申州上言芝草生辛卯鳳翔府上言嘉禾生一莖

兩穗十一月癸亥福州獲白鷺二獻之十二月戊寅寧  
州上言嘉禾生衡州上言李樹上芝草生莖連樹根丁  
亥婺州上言慶雲見

十年正月壬寅冀州上言嘉禾生五莖生合為一莖乙  
巳處州上言李樹連理二月壬申江陵府上言芝草生  
壬午處州上言芝草生三月濠州上言芝草生鳳翔府  
獲白雀一獻之五月蜀州上言唐興縣李樹上芝草生  
三莖漢州上言李樹上芝草生一莖七月癸酉絳州上

言芝草生八月己酉夜老人星見九月乙卯太原府上  
言嘉禾生

十一年九月庚辰夜老人星見

十二年正月乙丑渭北行營所獲赤雀二獻之壬申常  
州上言甘露降潔白凝泣味同飴蜜五月甲子成都府  
人郭遠因樵爨獲瑞禾一莖有文曰天下太平四字獻  
之以示百寮宰臣等奏賀曰頃者賊臣兇狡敢蔽聰明  
陛下以時發覺咸就誅放與人更始在物維新決辰之

間果獲佳應至德之化先賁草木太平之時遂形文字  
伏望藏於秘閣宣付史館從之六月癸未苑內獲白鼠  
一出示百寮九月戊午夜老人星見十月乙酉潭州上  
言慶雲見甲午陸州上言桐廬縣五色雲見十一月己  
酉蔡州上言汝陽縣芝草生紫莖黃蓋辛亥京兆府上  
言甘露降於城內靖恭坊之南街柳樹味如飴蜜十二  
月河中府上言臨晉縣嘉禾生四莖二穗

德宗建中四年五月滑州濮州黃河清



興元元年八月宋毫觀察使奏亳州貞元縣大空寺僧  
院李樹植來十四年長一丈八尺今春枝上忽聳高六  
尺周回似蓋九尺餘又先天觀玄元皇帝太后陵槐樹  
上有靈泉湧出六月忽有靈氣五色見於泉上

貞元元年十一月京兆府奏有人於長興坊得玉璽文  
曰天子信璽中書門下表賀請付所司制曰可

三年閏五月陝虢觀察使李泌獻瑞麥一莖五穗七月  
京兆府獻嘉禾異本同穗八月淄青節度使李納獻毛

龜詔示百寮十二月同州沙苑監上言白鹿見

四年四月宗正寺獻毛龜七月右神策軍獻瑞瓜三蔓合為一蒂而生三瓜九月許州奏嘉禾芝草生

五年五月宋州奏大麥一莖九岐者約一百餘本

六年正月防州言樞連理八月甲寅老人星見是月京兆府河南府並奏嘉禾異本同穎潮州上言芝草生連  
理李樹

七年四月壬寅廣州言甘露降乙卯汴州獻白鳥五月

許州獻白鳥八月同州言祥雲見

九年五月辛卯左神策監州行營節度使胡堅右神策  
監州行營節度使張昌皆表奏初城監州鹵中獲壞土  
又置烽堡水路迥遠即時有兩廢鹽井悉生鹽事符聖  
德可謂天贊請宣付史館制曰可是月甲午鄆州言甘  
露降

十年五月連州言慶雲見

十一年二月同州獻五色鴈六月河陽華州並獻白鳥

八月潞州獻白鶴九月成都言甘露降十一月潭州進赤烏

十二年五月通州奏九樹甘露降六月京兆府進白鼠  
朗州進白烏七月丁酉東都留守進芝草甲辰滑州進  
白雀九月徐州奏嘉禾生十二月甲子左神策軍進白  
鵲丁亥許州進白麋

十三年八月汴州進嘉禾九月癸亥懷州進嘉禾甲子  
幽州奏甘露降十月右神策軍進白雀十二月婺州奏

廳前松樹甘露降

十四年正月蔡州進瑞麥四月婺州奏甘露降閏五月  
乙丑滑州奏黃河清戊辰汴州進白烏九月丁未朔中  
書門下奏賀峨嵋獲白鷄丁卯中書門下奏賀苑中獲  
白鹿

十五年正月潞州進白烏五月丁未延州進玄兔庚寅  
韓潭進白鼠七月鳳翔府鷄足山慶雲見

十八年五月眉州上言醴泉出八月徐州獻嘉禾白兔

二十一年七月陝州獻紫芝成都府獻嘉禾辛卯潞州  
獻白雀

憲宗以永貞元年八月乙巳卽位是月庚戌荆南獻毛  
龜二

元和二年正月詔以湖南所獻古鼎付有司初永州百  
姓唐履昌於路側掘得古鼎重一百一十二斤異之故  
上獻八月戊辰老人星見

七年十一月東川觀察使潘孟陽上言龍州武安川畬

田中嘉禾生有麟食之復生麟之來一鹿引之羣鹿隨焉光華不可正視使畫工就圖之并嘉禾一函以獻

九年八月中書門下奏夏綏銀節度使今月八日因取土修城於西北角近倉掘得釜大小共計二百五十四並容六斗已下五斗以上俱無破損如新器物者伏以人天所資粒食為本錡釜之大火化是因今大軍方興此物自出則知向時藏瘞蓋神誘其衷今之彰呈豈天有所助聖作物感一何昭然望付史館從之

穆宗長慶元年正月帝饗太廟禮畢出朱雀門中路日  
抱珥五色宰臣蕭俛等率兩省供奉官稱賀於馬前

三年四月同州言文宣王廟甘露降

文宗太和元年十一月河中觀察使薛平奏當管虞鄉  
縣王賢鄉有白虎入靈峯觀謹按孫氏瑞應圖白虎者  
義獸也名騶虞王者德至鳥獸澤洞幽冥則見謹畫圖  
進上勅付所司

三年十一月丁丑朔乙卯司天臺上言太陽當蝕不蝕



宰臣率百官表賀

六年七月河陽東川並奏慶雲見八月廣州奏六月二日慶雲見

宣宗大中八年正月陝州黃河清

昭宗文德元年九月雲韶殿前穿井得甘泉以示百寮羣臣上表賀曰臣聞至德動天乃垂甘露神功浹地故出醴泉然猶兆自郊圻啓諸甸服未有因於改井得彼甘泉不離禁掖之中便是殿庭之側澄清若鏡汲

引而固絕羸餅香美如飴濟利而終期勿藥況銀床萬  
所玉甃千門味不可以和太羹美不足以調甘食若非  
皇帝陛下幽通井德明契天宮則何以草故從新致斯  
玄貺移鹹變苦降此休禎臣等幸偶盛時叨塵寵祿思  
與堯年野老鑿以興歌願同漢水丈人汲而成藥

哀帝天祐元年九月朱全忠進白兔一隻中書門下表  
賀曰今日東頭承旨常郁至奉聖旨者質素光而應候  
容潔朗以協時既昭耀於明庭實昭彰於聖德臣等覽

晉中興書徵祥說曰白兔者月精也抱朴子云兔壽千  
歲滿五百歲則色白顧野王云王者恩加壽考則白兔  
見協太陰之瑞實表坤慈應千歲之祥雅符乾德伏以  
皇帝陛下膺圖纂嗣壓紐騰休紹祖宗之丕基示孝慈  
於衆彙敦禮耆老委任勲賢所以致八孔之効靈應三  
秋而發皓來從月窟疊霜毳以蒙茸獻自梁庭粲冰毫  
而皎潔足以增輝瑞諫歸美皇猷聞天遠自於元勲拭  
目共觀於多士豈比魯傳趙郡獨歌如練之詞實同晉

獲壽春又繼凝鈞之詠詔曰上天眷祐靈毓効珍道既  
協於坤慈祥乃彰於月窟雪霜是比較晶可觀全忠道  
貫神明功高鼎鼐果因嘉瑞歸善天庭俾頒示於有司  
冀流光於不朽再三嘉翫歎注良深

二年八月河南府奏雒苑谷水屯百姓馬會穀地內有  
嘉禾合穗謹隨表進者詔曰多稼如雲已稱大稔異畝  
同穎益表殊祥張全義尹正邦畿從容廊廟動必垂於  
惠化靜每著於燮調佐時之畧彌章阜俗之風益顯爰

昭玄貺可卜豐年訓農遐掩於衛文獻瑞迥同於唐叔  
載觀禎異尤切歎嘉仍付史館

後唐莊宗同光元年十二月亳州太清宮道士奏聖祖  
玄元皇帝殿前枯檜再生枝畫圖以進宣示百官其表  
云按瀨鄉記此樹枯來莫知年代自高祖神堯皇帝武  
德二年太上老君見於晉州羊角山語樵人吉善行云  
為報唐天子吾是爾遠祖亳州曲仁里是吾降生之地  
有枯檜重榮唐祚永興高祖遂於羊角山置興唐觀其

地改為神山縣封羊角山為龍角既至亳州果有枯檜  
樹復生枝翁鬱後因安祿山僭號之時萎悴及祿山殄  
滅玄宗翠華歸奏枝葉復榮今年十月中又於其上再  
生一枝約長二尺聳身直上迥出凌虛葉密枝繁獨異  
衆木勅當聖祖舊殿生枯檜新枝應皇家再造之期顯  
大國中興之運同上林仆柳祥既協於漢宣北南頓嘉  
禾瑞更超於光武宣標史冊以示寰瀛宜委本州太清  
宮副使常加簡察兼令功德使差道士一人往彼告謝

仍付史館編錄

三年正月西都留守張筠奏昭應縣華清宮道士張冲  
虛狀四聖天尊院枯檜樹重生枝葉畫圖以進三月唐  
州奏淮瀆廣閨王廟前有兩樹東西相去七尺五寸其  
樹各出地亦七尺五寸兩樹相向連理五月許州進納  
兩歧麥一科其月汴州進兩歧麥兗州奏任城縣百姓  
大麥地內有兩歧三穗至四穗者八月丙子夜平明壽  
星見十一月青州符習奏萊州即墨縣人鄉貢士李夢

徵室內柱上生芝草兩歧畫圖而進勅符習累居藩翰  
屢顯政能靜以臨人寬而得衆撫裕已彰於惠愛輔時  
又致於休徵固得和氣潛蒸靈芝遽產同九莖而表瑞  
比三秀以呈祥載閱奏陳良深嘉歎

三年三月振武節度使維京內外蕃漢馬步使朱守殷  
奏臣脩雒陽月波堤至立德坊南古岸得玉璽一面上  
進伏以皇帝陛下明德動天聖靈御宇遂使千年之瑞  
出於九地之間輝煥簡編光華帝道臣竊觀異瑞益表



太平勅玉以呈祥印惟示信况坊名立德地近雒陽當  
鳳歷之再新與龜書而叶瑞獲茲至寶得自忠臣所宜  
載在簡編垂為盛美可送中書門下宣示百官宰相豆  
盧革等驗其篆文曰皇帝行寶四字圓方八寸厚二寸  
皆細交龍光瑩精妙莫知湮墜之由也謹按自秦漢以  
來天子之璽六文曰皇帝之璽皇帝信璽皇帝行璽天  
子之璽天子信璽天子行璽至玄宗時惡神器以璽為  
名改名國寶漢末董卓遷獻帝於長安燔燒雒陽宮表

術將孫堅攻卓收復京城營於城南軍士見甄宮井上  
有五色氣入懼不敢汲堅令浚井得漢傳國璽文曰受  
命於天既壽永昌方圓四寸細交五龍一角小缺王莽  
逼奪之時投地稍損議者意張讓劫帝出奔掌璽者投  
之甄井也自六璽之外有傳國璽即謂此受命璽也起  
於秦相李斯為之傳於高皇帝即漢末甄井所得即乘  
輿六寶之一也自隋末迄今喪亂弘多湮墜者耻而不  
言好事者落然無記吁哉守殷又於積善坊役所得古

文錢四百五十六一十六文得一元寶四百四十文順  
天元寶守殷進納勅凡窺奇異畫繫休明所獲錢文式  
昭玄貺得一者佇歸於一統順天者式契於天心道煥  
一時事光千載殊休繼出信史必書宜付史館四月陝  
州柳溪樹連理五月陝州進白兔八月己卯司天奏老  
人星見十月癸亥司天奏老人星見其月密州諸城縣  
人徐霸送芝草兩莖嘉禾九穗刺史李紹岳畫圖以進  
明宗天成元年十月巴州進嘉禾合穗并圖十一月密

州獻芝草并圖宣示中書門下百寮稱賀

二年四月郢州進白鵲五月癸亥懷州進白雀乙丑滄  
州進白鵲六月巳州進兩岐麥其月兗州進三足烏華  
州上言鄆縣羅文鄉百姓李存家有兩岐麥畫圖進上  
八月丁酉青州進芝草其月壬寅平明前壽星見於丙  
上

三年九月閬州上言度支巡官陳知禮家生芝草兩本  
畫圖以進是月宰臣王建立進玉盃壹隻上有傳家國

寶萬歲盃宇水運都將段洪趙實於臨河縣下得之

四年七月遂州夏魯奇進嘉禾一莖九穗勅旨三秀靈芝標仙籍而固資世務九莖嘉穀按地謀而實表豐年既呈殊異之祥雅叶治平之運宜付史館編記

八月戊戌司天奏老人星見其色黃明

長豐元年七月宿州進白兔以銀籠盛之八月丁未司天奏老人星見黃明潤大在井十一度時帝御便殿對宰臣因問曰司天奏老人星見卿等見否馮道曰老人

壽星也每歲秋分見為常其色黃明則表聖壽臣等雖不見星出則定矣

三年十月萊州卽墨縣人王友家生芝草一莖三枝其枝又分兩岐或三岐上漸闕成片而圓色紫其片卽為葉葉莖一色其表白高尺餘青州節度使進之并圖上又出宮中舊獻芝草四株其色莖葉皆同而枝葉多少為異耳

末帝清泰三年六月洺州獻野繭二十斤

晉高祖天福五年五月宋州貢瑞麥兩岐八月萊州芝  
草生

六年八月登州蓬萊縣民楊蔚家芝草生畫圖進之

七年四月甲寅朔避正殿不視朝司天前奏日蝕故也  
是月百官守司太陽不虧上表稱賀

少帝天福八年有白鳥棲於作坊桐樹作坊使周務勅  
上言令捕而進之

開武元年六月襄州獻白鵲

漢高祖天福十二年二月辛未即位於晉陽乙酉陽曲縣  
令崔握遣主簿呂光鄴進白兔壹隻帝覽而嘉之識者  
曰殷有白狼周有白魚唐有白雀皆為瑞況帝以乙卯  
降生而有此兆得不為大慶乎四月星官奏有氣黃紫  
多龍鳳之狀塊滌盤旋不離城上識者曰天不能無雲  
而雨不能無氣而立今瑞氣如此劉氏其大昌盛乎  
隱帝乾祐二年四月潁州獻紫兔白兔皆緘之於櫝出  
示羣臣六月潁州獻白鹿



三年五月澶州衛南縣民王綰田麥兩歧凡十二莖二十四穗曹州乘氏縣民王豐麥一莖三穗

周太祖廣順二年四月徐州以兩歧麥二十本來獻八月靈武獻嘉禾二銀盤

世宗顯德元年正月朔日後景色昏晦日月多暈及帝即位之日天氣晴朗中外肅然五月丁亥是夕月重輪是月辛卯世宗親征河東午後慶雲見於西南既晡風雲雨雹起於東北

五年二月登州貢芝草三枝十月登州刺史劉福進牟平縣畫到芝草圖一面十二月丁丑朔朗州上言醴陵縣玉仙觀山門中舊有田二萬餘頃久為山石閉塞昨於七月十七日夜有暴雨霹靂開其路復通詔褒之

六年正月唐州民於野田中得玉璽玉紐本部遣使來上

冊府元龜卷二十五